



МОНГОЛЫН ХӨРӨНГИЙН БИРЖИЙН ГҮЙЦЭТГЭХ ЗАХИРЛЫН ТУШААЛ

2018 оны 11 сарын 29 өдөр

Дугаар A/132

Улаанбаатар хот

Гишүүний эрхийг сэргээх тухай

Монгол Улсын Компанийн тухай хуулийн 83 дугаар зүйлийн 83.1, "Монголын хөрөнгийн бирж" төрийн өмчит хувьцаат компанийн Дүрмийн 8 дугаар зүйлийн 8.1, 8.10.11, Гишүүнчлэлийн журмын 5 дугаар зүйлийн 5.3.1, "Монголын хөрөнгийн бирж" ТӨХК болон "Ди Си Эф УЦК" ХХК-ийн хооронд хамтран байгуулсан 2018/93 дугаартай "Гишүүний хураамжийн төлбөрийг барагдуулах гэрээ"-г тус тус үндэслэн ТУШААХ НЬ:

1. Гүйцэтгэх захирлын 2017 оны 12 дугаар сарын 04-ний өдрийн А/214 дугаартай тушаалаар гишүүний эрхийг түдгэлзүүлсэн "Ди Си Эф УЦК" ХХК-ийн гишүүний эрхийг сэргээсүгэй.
2. "Ди Си Эф УЦК" ХХК-ийн арилжаанд оролцох эрхтэй ажилтан /Б.Нарангэрэл/-ийн арилжааны системд нэвтрэх эрхийг сэргээж нэвтрэх нэр, нууц үгийг шинээр олгосугай.
3. Арилжаанд оролцох эрх авсан гишүүн УЦК-ийн ажилтанд Монгол улсын үнэт цаасны зах зээлд мөрдөгдөж буй хууль, тогтоомж, журам, зааврыг үйл ажиллагаандаа чанд мөрдөж, өндөр хариуцлага, ёс зүйтэй ажиллахыг үүрэг болгосугай.
4. Цаашид хууль тогтоомж, журам заавар болон "Монголын хөрөнгийн бирж" төрийн өмчит хувьцаат компанийн байгуулсан "Гишүүнчлэлийн гэрээ"-гээр хүлээсэн үүргээ тогтмол биелүүлэн ажиллахыг "Ди Си Эф УЦК" ХХК-ийн гүйцэтгэх захирал /Т.Жигмэддагва/-д анхааруулсугай.
5. Үнэт цаасны арилжааны програмд нэвтрэх эрх сэргээхийг Үйл ажиллагааны газрын Арилжааны алба /Д.Алдармаа/-нд, тушаалын биелэлтэд хяналт тавьж ажиллахыг Хяналт, зохицуулалтын газрын Хяналт шинжилгээний алба /Д.Баттулга/-нд тус тус үүрэг болгосугай.

ГҮЙЦЭТГЭХ ЗАХИРАЛ

Х.АЛТАЙ



000939